

Headline	Cheng Hoe sudah temui identiti Lang Merah		
MediaTitle	Utusan Malaysia		
Date	16 Apr 2014	Color	Full Color
Section	Sukan	Circulation	173,387
Page No	31	Readership	699,000
Language	Malay	ArticleSize	203 cm ²
Journalist	N/A	AdValue	RM 4,012
Frequency	Daily	PR Value	RM 12,036



Cheng Hoe sudah temui identiti 'Lang Merah'

ALOR SETAR - "Inilah identiti Lang Merah yang saya mahu terapkan."

Demikian kata jurulatih baharu Kedah, Tan Cheng Hoe kepada pemberita sebaik membimbing anak buahnya membenam Perlis 6-1 dalam pertemuan di Stadium Darul Aman kelmarin.

Menurutnya, beliau yakin sedikit sebanyak telah berjaya mengubah mentaliti anak-anak buahnya yang gemar membuat hantaran jauh menyebabkan mereka sering kehilangan bola.

"Dalam pertemuan pertama menentang UiTM sebelum ini, saya lihat itu menjadi punca aksi kami tidak menjadi. Disebabkan itu, saya mengubah gaya permainan mereka kepada membuat hantaran pendek.

"Nyata usaha itu berhasil. Rata-rata pemain memang berbakat cuma mereka memerlukan sedikit motivasi untuk menghasilkan kejayaan buat pasukan,"

katanya.

Dalam perlawanan itu, Kedah terlalu unggul buat Perlis apabila menguasai lebih 70 peratus permainan terutama menerusi kecermerlangan Billy Osman Mehmet di bahagian serangan, Baddrol Bakhtiar di tengah dan Adam Grif-fith selaku benteng terakhir.

Ditanya peluang Kedah untuk menduduki dua tempat teratas bagi mencuri slot ke Liga Super, Cheng Hoe mengakui tugas itu mungkin cukup sukar untuk dilaksanakan memandangkan jurang mata antara mereka dengan PDRM dan Pulau Pinang agak besar.

"Bagaimanapun kami akan berusaha sehabis baik. Tumpuan kini adalah untuk menghadapi setiap perlawanan satu demi satu.

"Jika gagal berada di dua teratas sekali pun, kami perlu berada di kedudukan empat teratas untuk layak ke Piala Malaysia secara automatik," ujarnya.



BILLY Osman (kiri) meledak gol pembukaan Kedah ketika membantu pasukan itu membelasah Perlis 6-1 dalam aksi Liga Perdana di Stadium Darul Aman, Alor Setar kelmarin.